

煉將有專司章第八

總而言之曰丁甲其實用之各有司六甲陽神主戰鬥六甲陰神護我身甲寅用以驅猛虎甲辰用以需甘霖甲子用以督水戰甲戌用以守城堙甲申最勇戰必勝甲午用以火攻營六丁最靈主機密偷營劫塞兵如神能取敵人一切物來無踪影去無形旬中玉女力更大攻者必敗戰必贏六戊用以閉城堙六己可以聚糧屯六癸天網四張時只可逃形隱跡行更有六旬值日將保護主將除病根又有六十日玉女靈通無賽逞飛英偷符換印尋常事怪異千般莫吃驚惟將丁甲總煉咒一切神將緊隨身但能煉得神將孰有兵十萬可縱橫

道藏輯要

陰符經

美

又胃集二
X卅三

數以任道章第九

數惟建功立業設非數無以明事機吾人秉性雖奇穎安能動與鬼神俱事機當前不能決須藉數以測幾微數之靈變如丸轉豈能事事合機先惟有此數神且簡不啻袖裡掌中天輪範輿輞平日算臨時只玩後三篇驕兵悍將逞英雄狡人譎士施機巧倘或遇之勿中竅綱紀烏能統一焉惟以此數神真用智力勇者罔敢愆此皆末世之術法可以佐道之機權

用機在目章第十

五賊三盜各有機機之最靈惟在目九竅三要各有機機之最急亦在目萬事萬象錯錯然運用只在神明獨運用固爲應物